

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za privredu/gospodarstvo, Vlada Zeničko-dobojskog kantona, na 91. sjednici, održanoj dana 25.07.2025. godine, d o n o s i

Z A K L J U Č A K
o prihvatanju Informacije o koncesijama
na području Zeničko-dobojskog kantona za 2024. godinu

I.

Prihvata se Informacija o koncesijama na području Zeničko-dobojskog kantona za 2024. godinu, broj: 04-14-12856/25 od 14.07.2025. godine, Ministarstva za privredu/gospodarstvo.

II.

Zaključak sa Informacijom iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/25
Datum, 25.07.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za privredu,
1x Stručna služba Skupštine,
1x a/a.



**INFORMACIJA O KONCESIJAMA
NA PODRUČJU ZENIČKO-DOBOJSKOG KANTONA
ZA 2024. GODINU**

Zenica, juli 2025. godine

**INFORMACIJA O KONCESIJAMA
NA PODRUČJU ZENIČKO-DOBOJSKOG KANTONA
ZA 2024. GODINU**

UVOD

1. DODIJELJENE KONCESIJE DO 2024. GODINE

- 1.1. Dodijeljene koncesije na istraživanje i eksploataciju čvrstih mineralnih sirovina do 31.12.2024. godine

2. DODJELA KONCESIJA U 2024. GODINI

- 2.1. Dodijeljene koncesije na istraživanje i eksploataciju čvrstih mineralnih sirovina u 2024. godini
2.2. Dodjela koncesija u postupku

3. KONCESIJE NAKNADE U 2024. GODINI

- 3.1. Jednokratne koncesije naknade u 2024. godini
3.2. Kontinuirane koncesije naknade u 2024. godini

4. PRIHODI IZ KONCESIJSKIH NAKNADA U 2024. GODINI

- 4.1. Prihodi od jednokratne koncesije naknade u 2024. godini
4.2. Prihodi od kontinuirane koncesije naknade u 2024. godini
4.3. Ukupni prihodi od koncesije naknade u 2024. godini
4.4. Alokacija koncesijskih naknada po općinama/gradovima Kantona u 2024. godini

5. RASHODI IZ KONCESIJSKIH NAKNADA U 2024. GODINI

- 5.1. Program utroška budžetskih sredstava od koncesija u 2024. godini
5.2. Realizovana sredstva shodno Programu utroška budžetskih sredstava od koncesija u 2024. godini

6. ZAKLJUČAK

UVOD

U skladu sa Programom rada Vlade Zeničko-dobojskog kantona za 2025. godinu i Programom rada Skupštine Zeničko-dobojskog kantona za 2025. godinu, Ministarstvo za privredu/gospodarstvo Zeničko-dobojskog kantona (u daljem tekstu: Ministarstvo) je sačinilo Informaciju o koncesijama na području Zeničko-dobojskog kantona za 2024. godinu.

Oblast koncesija uređena je zakonima o koncesijama:

- Zakon o koncesijama Bosne i Hercegovine („Službeni glasnik Bosne i Hercegovine“, broj: 32/02),
- Zakon o koncesijama Federacije Bosne i Hercegovine („Službene novine Federacije Bosne i Hercegovine“, broj: 40/02 i 61/06),
- Zakon o koncesijama Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 05/03).

U skladu sa navedenim, nadležnosti Kantona u oblasti dodjele koncesija su sljedeće:

1. istraživanje i/ili eksploatacija:
 - energetskih mineralnih sirovina (ugalj)
 - metaličnih i nemetalčnih mineralnih sirovina iz primarnih i sekundarnih ležišta,
 - svih vrsta soli i solnih voda,
 - ljekovitih, termalnih i mineralnih voda i izvorišta prirodnih voda za piće,
2. korištenje vodotokova i voda od interesa za Kanton,
3. izgradnja i/ili korištenje hidroakumulacija od interesa za Kanton,
4. izgradnja i/ili korištenje hidroenergetskih objekata snage ispod 5 MW,
5. korištenje građevinskog zemljišta,
6. korištenje poljoprivrednog zemljišta,
7. javni linijski prijevoz osoba,
8. lovstvo i ribolov,
9. hoteli i ostali turistički objekti,
10. vodosnabdijevanje gradova i naselja,
11. snabdijevanje toplotnom energijom i zemnim gasom gradova i naselja,
12. čišćenje gradova i odlaganje čvrstog otpada,
13. kanalizacioni sistemi.

U nadležnosti Ministarstva su sljedeći predmeti koncesija:

- energetske mineralne sirovine (ugalj),
- metalčne i nemetalčne mineralne sirovine iz primarnih i sekundarnih ležišta,
- hoteli i ostali turistički objekti.

Ministarstvo do sada nije imalo zahtjeva i nije dodijelilo ni jednu koncesiju za hotele i ostale turističke objekte.

Obavljanje djelatnosti istraživanja i eksploatacije energetskih mineralnih sirovina (uglja) i istraživanja i eksploatacije metalčne i nemetalčne mineralne sirovine iz primarnih i sekundarnih ležišta uređeno je zakonima, i to:

- Zakon o geološkim istraživanjima Zeničko-dobojskog kantona („Službene novine Zeničko-dobojskog kantona“, broj: 8/12),
- Zakon o rudarstvu Zeničko-dobojskog kantona („Službene novine Zeničko-dobojskog kantona“, broj: 10/12).

1. DODIJELJENE KONCESIJE NA ISTRAŽIVANJE I EKSPLOATACIJU ČVRSTIH MINERALNIH SIROVINA DO 31.12.2024. GODINE

1.1. Dodijeljene koncesije na istraživanje i eksploataciju čvrstih mineralnih sirovina

Tokom proteklog perioda u skladu sa Zakonom o koncesijama Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 05/03), domaći i strani investitori pokazali su interes za dodjelu koncesije na istraživanje i eksploataciju čvrstih mineralnih sirovina, kako metaličnih tako i nemetaličnih. To su bili samoinicijativni zahtjevi (uz javno oglašavanje) i odnosili su se na istraživanje i eksploataciju mineralnih sirovina krečnjaka, dijabaza, fliša, dolomita, spilita, glina, lapora, rožnaca, gabra, kvarcnog pijeska itd., metaličnih mineralnih sirovina olova-ceruzita, cinka, barita te istraživanje i eksploataciju uglja.

Kako postupak dodjele koncesije obuhvata pribavljanje niza stručnih mišljenja i saglasnosti te obavezno raspisivanje Javnog poziva, proces do potpisivanja ugovora o koncesiji je relativno dug (minimalno šest mjeseci).

Kao poseban problem moramo istaknuti nepostojanje Zakona o šumama FBiH.

Zaključno sa 31.12.2024. godine, potpisana su ukupno 27 ugovora o koncesiji za istraživanje i eksploataciju čvrstih mineralnih sirovina (uključujući i anekse na ugovore o koncesiji za proširenja).

Pregled koncesionara (istraživanje i eksploataciju mineralnih sirovina) dati su u Tabeli 1.

Tabela 1. Pregled koncesionara (istraživanje i eksploatacija mineralnih sirovina)

R. br.	KONCESIONAR SJEDIŠTE	LOKACIJA LEŽIŠTA	PREDMET KONCESIJE	UGOVOR – BROJ I DATUM
1.	„TVORNICA CEMENTA “KAKANJ” d.d. Kakanj	„Geben“ i „Ribnica“ – Kakanj	Istraživanje i eksploatacija laporca	KC 001/2000 12.09.2000.
2.	„IGM“ d.d. Visoko	„Golo brdo“ - Visoko	Istraživanje i eksploatacija opekarske gline	KC 002/2001 30.01.2001.
3.	„MGV-GRADNJA“ d.o.o. Zavidovići	„Sokolica“ –Zavidovići	Istraživanje i eksploatacija krečnjaka	KC 004/01 22.05.2001.
4.	„BBM VAREŠ“ d.o.o. Vareš	„Stijene“ – Vareš	Istraživanje i eksploatacija krečnjaka	KC 08/02 17.05.2002. Aneksi I i II 09.09.2002. i 13.09.2003.
		„Kota“ – Vareš	Istraživanje i eksploatacija krečnjaka i spilita	KC 08/02 17.05.2002. Aneksi I i II 09.09.2002. i 13.09.2003.
5.	„E&P“ d.o.o. Zavidovići	„Ribnica“ – Zavidovići	Istraživanje i eksploatacija dijabaza	KC 18/06 26.04.2006.

R. br.	KONCESIONAR SJEDIŠTE	LOKACIJA LEŽIŠTA	PREDMET KONCESIJE	UGOVOR – BROJ I DATUM
6.	„CESTING“ d.o.o. Žepče	„Papratnica“ – Žepče	Istraživanje i eksploatacija dijabaza	04-18-23400-1/08 19.10.2009.
7.	„GEOMET“ d.o.o. Olovo	„Očekalj“ i „Prgoševo“ – Olovo	Istraživanje i eksploatacija ceruzita	04-18-15242-1/12 20.07.2012. 04-18-152542-1-2/18 21.05.2018.
8.	„DIM- KAMENOLOM“ d.o.o. Žepče	„Ograjna“ – „Željezno polje“ Žepče	Istraživanje i eksploatacija dijabaza	04-18-20940-1/12 30.01.2013.
9.	„TRGOŠPED“ d.o.o. Kakanj	„Borovačke stijene“ – Kakanj	Istraživanje i eksploatacija krečnjaka	04-18-397-9/03 01.10.2003. 04-18-2734-1/11 26.05.2011.
10.	„ŽGP“ d.o.o. Zenica	„Široke stijene“ – Zenica	Istraživanje i eksploatacija krečnjaka	04-18-15802-1/13 28.08.2013.
11.	„KOMGRAD – ZE“ d.o.o. Zenica	„Crkvice – Kamenolom“ Zenica	Istraživanje i eksploatacija krečnjaka	04-18-15802-1/14 17.12.2014. 04-18-1194-1/19 18.02.2018.
12.	„ABLE INVESTMENT“ d.o.o. Sarajevo	„Morava – Krivodol“ — Župča – Breza	Istraživanje i eksploatacija krečnjaka	04-18-7636-1/16 24.05.2016.
13.	„EASTERN MINING“ d.o.o. Vareš	Osnovno polje je „Veovača 1-Veovača 2“ „Rupice-Juraševac-Brestić“ – Vareš	Istraživanje i eksploatacija olova, cinka i barita i pratećih plemenitih metala	04-18-21389-1/13 12.03.2013.
	„EASTERN MINING“ d.o.o. Vareš	Prvo proširenje koncesionog polja na ležištu „Rupice-Borovica“ i „Veovača-Orti-Selište-Mekuše“ – Vareš	Istraživanje i eksploatacija olova, cinka i barita i pratećih plemenitih metala	04-18-21389-3/18 14.11.2018.
	„EASTERN MINING“ d.o.o. Vareš	Drugo proširenje koncesionog polja na ležištu „Orti-Selište-Mekuše-Barice-Smajlova šuma-Mačak“, „Droškovac-	Istraživanje i eksploatacija olova, cinka i barita i pratećih plemenitih metala	04-18-14461-1/20 03.12.2020.

R. br.	KONCESIONAR SJEDIŠTE	LOKACIJA LEŽIŠTA	PREDMET KONCESIJE	UGOVOR – BROJ I DATUM
		Brezik” i „Borovica-Semizova Ponikva” –Vareš		
14.	“AB-TRANS” d.o.o Tešanj	“Trebačko brdo” –Tešanj	Istraživanje i eksploatacija krečnjaka	04-18-12263/19 20.07.2020.
15.	Rudnik mrkog uglja “KAKANJ” d.o.o. Kakanj	Područje Općine Kakanj	Istraživanje i eksploatacija mineralne sirovine mrkog uglja	04-18-8474-9-1/20 28.12.2020.
16.	„SEVEN PLUS” d.o.o. Sarajevo	“Duboštica-Tribija” – Vareš	Istraživanje i eksploatacija rude hroma	04-14-16626-4/20 od 22.04.2021. 04-14-16626-5/22 od 23.09.2022
17.	EASTERN MINING d.o.o.	“Saski do” – Vareš	Istraživanje ruda obojenih metala	04-14-5359-3/22 19.07.2022.
18.	„MGV-GRADNJA“ d.o.o. Zavidovići	“Sokolica” – Zavidovići	Istraživanje i eksploatacija tehničko-građevinskog kamena krečnjaka	04-11-16288-1/22 02.12.2022.
19.	“EURO STONE COMPANY” d.o.o. Zavidovići	“Hrastova kosa” – Žepče	Istraživanje i eksploatacija mineralnog resursa serpentinita-lerzolita	04-14-05003-4-12/22 28.08.2023.
20.	“VZ COMMERCE” d.o.o. Gornji Vakuf-Uskoplje	“Željezno polje” –Žepče	Istraživanje i eksploatacija lerzolita	04-14-12031-16/22 18.04.2024.
21.	“TIM GROUP” d.o.o. Žepče	“Klanci” – Maglaj	Istraživanje i eksploatacija lerzolita	04-14-2824-16/24 10.05.2024. 04-14-11263-1/24 15.07.2024.
22.	“JUKA” d.o.o. Žepče	“Orašje” – Žepče	Istraživanje i eksploatacija serpentinita	04-14-9958-9958-3/24 19.07.2024.
23.	“BAHFARM” d.o.o. Sarajevo	“Ograina II” –Žepče	Istraživanje i eksploatacija lerzolita	04-14-10515-3-9/23 14.11.2024.

2. DODJELA KONCESIJA U 2024. GODINI

2.1. Dodijeljene koncesije na istraživanje i eksploataciju čvrstih mineralnih sirovina u 2024. godini

U 2024. godini potpisana su četiri ugovora o dodjeli koncesije.

“DIM- KAMENOLOM” d.o.o. Žepče

Vlada Kantona je, na prijedlog Ministarstva, donijela Odluku o pristupanju provođenju procedure dodjele koncesije za istraživanje i eksploataciju mineralnog resursa lerzolita na lokalitetu „Željezno polje“ KO Papratnica Općina Žepče, broj: 02-14-19097/23 od 21.12.2023. godine.

Na osnovu navedene Odluke Vlade, Ministarstvo je, u dnevnom listu „Oslobođenje“, dana 05.01.2024. godine objavilo Javni poziv za prikupljanje ponuda za izbor najpovoljnijeg ponuđača za dodjelu koncesije za istraživanje i eksploataciju mineralnog resursa lerzolita na lokalitetu „Željezno polje“ KO Papratnica Općina Žepče. Dan zatvaranja Javnog poziva bio je 02.02.2024. godine.

Po objavljenom Javnom pozivu pristigle su dvije ponude: „BAHFARM“ d.o.o. Sarajevo i „VZ COMMERCE“ d.o.o. Gornji Vakuf-Uskoplje.

Ministar Ministarstva za privredu Zeničko-dobojskog kantona imenovao je Rješenjem, broj: 04-14-12031-11/22 od 02.02.2024. godine Komisiju za provođenje postupka dodjele koncesije za istraživanje i eksploataciju mineralnog resursa lerzolita na lokalitetu „Željezno polje“ KO Papratnica Općina Žepče.

Komisija je sastanak održala dana 07.02.2024. godine u prostorijama Ministarstva.

Shodno članu 8. Pravilnika za ocjenu najpovoljnije ponude za dodjelu koncesija za istraživanje i eksploataciju mineralnih resursa („Službene novine Zeničko-dobojskog kantona”, broj: 3/03) Komisija je utvrdila da ponuda privrednog društva „BAHFARM“ d.o.o. Sarajevo ne ispunjava formalne uvjete podnošenja.

Nakon uvida u dostavljenu dokumentaciju ponuđača „VZ COMMERCE“ d.o.o. Gornji Vakuf-Uskoplje, Komisija je:

- konstatovala da je dokumentacija tražena Javnim pozivom dostavljena,
- utvrdila ispravnost dostavljene dokumentacije,
- izvršila bodovanje ponuđenih uslova dodjele koncesije.

Komisija je sačinila Zapisnik, broj: 04-14-12031-12/22 od 07.02.2024. godine, prema kojem je zaključeno da ponuđač, „VZ COMMERCE“ d.o.o. Gornji Vakuf-Uskoplje ispunjava sve uslove propisane Javnim pozivom i da je osvojio 100 bodova te je stoga Komisija predložila nastavak procedure dodjele koncesije za istraživanje i eksploataciju mineralnog resursa lerzolita na lokalitetu „Željezno polje“ KO Papratnica Općina Žepče.

Vlada je, na prijedlog Ministarstva za privredu, donijela Odluku o dodjeli koncesije za istraživanje i eksploataciju mineralnog resursa lerzolita na lokalitetu „Željezno polje“, Općina Žepče, broj: 02-14-3699/24 od 23.02.2024. godine.

Koncesionar je prije potpisivanja Ugovora o koncesiji, između ostalog, dostavio:

- uplatnicu na iznos jednokratne koncesione naknade u iznosu 28.782,00 KM,
- geodetski elaborat „nultog stanja”.

Nakon obezbjeđenja svih navedenih uslova te pribavljanja mišljenja Kantonalnog pravobranilaštva na prijedlog Ugovora, broj: M-20/24 od 27.03.2024. godine, Ugovor o koncesiji je zaključen dana 18.04.2024. godine.

“TIM GROUP” d.o.o. Žepče

Vlada Kantona je, na prijedlog Ministarstva, donijela Odluku o pristupanju provođenju procedure dodjele koncesije za istraživanje i eksploataciju mineralnog resursa lerzolita na ležištu „Klanci“, K.O. Strupina, Općina Maglaj, broj: 02-14-2663/24 od 09.02.2024. godine.

Na osnovu navedene Odluke Vlade, Ministarstvo je, u dnevnom listu „Dnevni avaz“, dana 19.02.2024. godine, objavilo Javni poziv za prikupljanje ponuda za izbor najpovoljnijeg ponuđača, koncesionara, za dodjelu koncesije za istraživanje i eksploataciju mineralnog resursa lertzolita na ležištu „Klanci“, K.O. Strupina, Općina Maglaj. Dan zatvaranja Javnog poziva bio je 20.03.2024. godine.

Po objavljenom Javnom pozivu pristigle su četiri ponude: „VZ COMMERCE“ d.o.o. Gornji Vakuf-Uskoplje, „TIM GROUP“ d.o.o. Žepče, „VD GROUP“ d.o.o. Žepče i „MANA PROM“ d.o.o. Žepče.

Dana 22.03.2024. godine u Ministarstvu je zaprimljen akt po nazivom Dopis o povlačenju ponude za dodjelu koncesije za istraživanje i eksploataciju mineralnog resursa lertzolita na lokalitetu Klanci k.o. Strupina, općina Maglaj, broj: 22/24 od 22.03.2024. godine od „VZ COMMERCE“ d.o.o. Gornji Vakuf-Uskoplje. Predmetnim aktom navedeno privredno društvo je povuklo svoju ponudu na Javni poziv i zamolilo da se ista ne uzima u razmatranje.

Ministar Ministarstva za privredu Zeničko-dobojskog kantona imenovao je Rješenjem, broj: 04-14-2824-13/23 od 27.03.2024. godine Komisiju za provođenje postupka dodjele koncesije za istraživanje i eksploataciju mineralnog resursa lertzolita na lokalitetu „Klanci“, K.O. Strupina, Općina Maglaj.

Komisija je održala sastanak dana 03.04.2024. godine u prostorijama Ministarstva.

Nakon uvida u dostavljenu dokumentaciju ponuđača „TIM GROUP“ d.o.o. Žepče, „VD GROUP“ d.o.o. Žepče i „MANA PROM“ d.o.o. Žepče, Komisija je:

- konstatovala da je sva dokumentacija tražena Javnim pozivom dostavljena,
- utvrdila ispravnost dostavljene dokumentacije,
- izvršila bodovanje ponuđenih uslova dodjele koncesije.

Komisija je sačinila Zapisnik, broj: 04-14-2824-14/23 od 03.04.2024. godine, prema kojem je zaključeno da ponuđač „TIM GROUP“ d.o.o. Žepče ispunjava sve uslove propisane Javnim pozivom i da je osvojio 100 bodova te je stoga Komisija predložila nastavak procedure dodjele koncesije za istraživanje i eksploataciju mineralnog resursa lertzolita na lokalitetu „Klanci“, K.O. Strupina, Općina Maglaj.

Vlada je, na prijedlog Ministarstva za privredu, donijela Odluku o dodjeli koncesije za istraživanje i eksploataciju mineralnog resursa lertzolita na ležištu „Klanci“, K.O. Strupina, Općina Maglaj, broj: 02-14-7290/24 od 09.04.2024. godine.

Koncesionar je prije potpisivanja Ugovora o koncesiji, između ostalog, dostavio:

- uplatnicu na iznos jednokratne koncesione naknade u iznosu 12.396,00 KM,
- geodetski elaborat „nultog stanja”.

Nakon obezbjeđenja svih navedenih uslova te pribavljanja mišljenja Kantonalnog pravobranilaštva na prijedlog Ugovora, broj: M-34/24 od 06.05.2024. godine, Ugovor o koncesiji je zaključen dana 10.05.2024. godine.

Obzirom da je uočena tehnička greška u čl. 1. stav (1) Odluke o dodjeli koncesije za istraživanje i eksploataciju mineralnog resursa lertzolita na ležištu Klanci, K.O. Strupina, Općina Maglaj, broj: 02-14-7290/24 od 09.04.2024. godine na način da je u prelomnoj tački E po X koordinati navedeno „4 933 689,089“, a ista treba da glasi „4 932 689,089“ kako je navedeno i u Odluci Općinskog vijeća Maglaj o davanju saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lertzolita na ležištu „Klanci“ KO Strupina, Općina Maglaj, na prijedlog Ministarstva, Vlada je donijela Odluku o izmjeni Odluke Vlade Zeničko-dobojskog kantona o dodjeli koncesije za istraživanje i eksploataciju mineralnog resursa lertzolita na ležištu Klanci, K.O. Strupina, Općina Maglaj, broj: 02-14-11263/24 od 14.06.2024. godine. Nakon pribavljanja mišljenja Kantonalnog pravobranilaštva, broj: M-50/24 od 03.07.2024. godine, zaključen je Anex I o izmjeni Ugovora dana 15.07.2024. godine.

Ministar Ministarstva je Rješenjem, broj: 04-14-05093-4/23 od 10.07.2023. godine imenovao Komisiju za utvrđivanje javnog interesa za dodjelu koncesije za istraživanje i eksploataciju mineralnog resursa serpentinita na lokalitetu „Orašje“ Općina Žepče.

Komisija je održala prvi sastanak dana 26.10.2023. godine na kojem je predložila davanje saglasnosti za pokretanje procedure za dodjelu koncesionog prostora za istraživanje i eksploataciju mineralnog resursa serpentinita na ležištu „Orašje“ Općina Žepče, uz ispunjenje uvjeta vezanih za cjevovod gradskog vodovoda, s tim da put i cjevovod vodovoda koji su navedeni u aktu Općinskog vijeća Žepče nisu u koncesionom polju i predstavljaju javno dobro te je neophodno da Općinsko Vijeće Žepče precizira uslov pod kojim se dodjeljuje koncesija u periodu trideset godina i to za istraživanje i eksploataciju mineralnog resursa na lokalitetu „Orašje“ KO Papratnica Općina Žepče, a uslovi će biti objavljeni u Javnom pozivu za odabir najpovoljnije ponude za dodjelu koncesije. Uslov za potpisivanje ugovora o koncesiji bit će i potpisan Sporazum između budućeg koncesionara i Općine Žepče gdje će se ugovorne strane dogovoriti i ugovorno obavezati spram postavljenih uslova.

Shodno navedenom, upućen je akt-“Zahtjev”, broj: 04-14-05093-4-2/23 od 27.10.2023. godine Općinskom Vijeću Žepče za pojašnjenje, odnosno, decidno navođenje uslova za dodjelu koncesije te dostavu ucrtane trase cjevovoda vodovoda u trupu puta koji se naslanja na traženo koncesiono polje, kao i akt-“Podaci”, broj: 04-14-05093-4-3/23 od 27.10.2023. godine BHMACH-u jer je uvidom u prostorno-plansku dokumentaciju Komisija utvrdila da se dio traženog koncesionog polja nalazi u zoni utvrđenoj kao „sumnjive površine III kategorije“ prema podacima o minskoj situaciji BHMACH-a iz 2017. godine.

Komisija je, na drugom sastanku, održanom dana 05.02.2024. godine, razmatrala pristigli odgovor Općine Žepče po traženom Zahtjevu Komisije. Tačnije, Služba za gospodarstvo i finansije Općine Žepče je Komisiji dostavila akt: Odgovor na vaš zahtjev, broj: 04-14-05093-4-2/23 od 27.10.2023. godine, broj: 04-14-1-28/24 od 11.01.2024. godine, gdje je dostavljen akt JP “Komunalno“ d.o.o. Žepče: Izjašnjenje na upit, broj: 5335/23 od 19.12.2023. godine.

U svom aktu JP “Komunalno“ d.o.o. Žepče navodi sljedeće:

1. Lokacija istražno-eksploatacionog polja se cijelom svojom dužinom proteže duž lokalnog puta u čijem trupu se nalazi primarni cjevovod vodovoda Žepče, promjera 160 mm,
2. Obzirom na vrstu planiranih djelatnosti (miniranje, kopanje, prometovanje teškim strojevima i kamionima...) smatramo da, ukoliko se ne poduzmu mjere zaštite vodovoda, postoji mogućnost ugroze istoga,
3. Mi u okviru poduzeća nemamo stručni kapacitet da propisujemo bilo kakve mjere zaštite, pa stoga predlažemo da se u okviru procedure za dodjelu koncesije angažiraju stručnjaci odgovarajućeg profila koji će dati svoje rješenje za zaštitu postojećeg cjevovoda. Da li će angažiranje stručnjaka biti obaveza lokalne zajednice ili budućeg koncesionara neka odluče nadležna tijela. Važno je da se mjere zaštite kvalitetno obrade i propišu, a također i da se u praksi provedu.

Komisija je shodno ovom aktu konstatovala da, obzirom da je Ministarstvo nadležno za provođenje procedure za dodjelu koncesije za istraživanje i eksploataciju mineralnih resursa i obzirom da je Ministarstvo u svom aktu-Zahtjev, broj: 04-14-05093-4-2/23 od 27.10.2023. godine, već pojasnilo da je rješavanje svih zahtjeva i uslova koje postavi jedna jedinica lokalne samouprave za dodjelu koncesije predmetom dogovora između jedinice lokalne samouprave i budućeg koncesionara, to će svi navedeni zahtjevi biti objavljeni u Javnom pozivu za dodjelu koncesije na predmetnom lokalitetu, a Sporazum o međusobnim odnosima (o prijateljskom okruženju) će potpisati Općina Žepče i budući koncesionar. Sporazum će se potpisati prije potpisivanja Ugovora o koncesiji.

Komisija je uputila BHMACH-u Centar za ukljanjanje mina u BIH, Sarajevo, akt-Podaci, broj: 04-14-05093-4-3/23 od 27.10.2023. godine i kroz taj akt tražila zvanične podatke o situaciji kada su u pitanju mine na predmetnom lokalitetu u svrhu provođenja postupka za dodjelu koncesije za istraživanje i eksploataciju.

Na sastanku Komisije koji je održan 05.02.2024. godine donesen je Zaključak koji glasi: “Na osnovu dostavljene dokumentacije i imajući u vidu da je Općinsko vijeće Žepče, na 24. sjednici održanoj 27.06.2023. godine, donijelo Saglasnost, broj: 01-19-102/23 od 27.06.2023. godine, kojim se daje saglasnost za pokretanje procedure za dodjelu koncesionog prostora za istraživanje i eksploataciju

mineralnog resursa serpentinita na ležištu „Orašje“ K.O. Papratnica, Općina Žepče, čime je, na prvom mjestu, i lokalna zajednica iskazala javni interes za ovu investiciju, Komisija je utvrdila da za dodjelu koncesije na za istraživanje i eksploataciju mineralnog resursa serpentinita na lokalitetu „Orašje“ K.O. Papratnica, Općina Žepče, postoji javni interes, ali isti ne smije biti u suprotnosti sa već utvrđenim javnim interesom na postojećem lokalitetu (vodozaštitne zone, vodoprivredni objekti, javni putevi, naseljena područja- urbana i građevinska zemljišta, područja za razvoj turizma i dr.) te predložila Ministarstvu pokretanje procedure donošenja Odluke Vlade Kantona o pristupanju provođenju procedure dodjele koncesije za istraživanje i eksploataciju na predmetnom lokalitetu i u skladu sa navedenim kriterijima, nakon što Komisija dostavi jedan primjerak ovog Zapisnika Općini Žepče/Općinskom vijeću Žepče sa aktom kojim će tražiti od istih izjašnjenje na opće eliminatorne, posebne i ostale uslove (prvenstveno tačke (4) i (5) OSTALI USLOVI) koji se odnose na uslove koji će biti predmetom Sporazuma sa Općinom Žepče, a koji su utvrđeni u ovom Zapisniku i koji će biti elementi Javnog poziva za dodjelu koncesije na navedenom lokalitetu, te primi predmetno izjašnjenje od Općine Žepče ili Općinskog vijeća Žepče.

Ministarstvo je uputilo akt, broj: 04-14-05093-4-6/23 od 06.02.2024. godine Načelniku Općine Žepče i Vijeću Općine Žepče kojim se traži izjašnjenje/saglasnost na opće eliminatorne, posebne i ostale uslove (prvenstveno tačke (4) i (5) OSTALI USLOVI), koji se odnose na uslove koji će biti predmetom Sporazuma sa Općinom Žepče.

Dana 21.02.2024. godine, Komisiji je dostavljen akt Načelnika Općine Žepče, broj: 01/1-04-144/24 od 19.02.2024. godine (naš broj: 04-14-05093-4-5/23 od 21.02.2024. godine) „Odgovor na Vaš zahtjev, broj: 04-14-05093-4-6/23 od 06.02.2024. godine“. U ovom aktu Načelnik Općine Žepče, obavještava Ministarstvo i Komisiju da će općinski Načelnik potpisati Sporazum sa budućim koncesionarom prije potpisivanja Ugovora o koncesiji. Sporazumom će se definisati međusobni odnosi budućeg koncesionara i jedinice lokalne samouprave, a odnose se na uslove jedinice lokalne samouprave za dodjelu koncesije.

Dana 13.02.2024. godine, Komisiji je dostavljen akt Komisije za deminiranje u BiH, Centar za uklanjanje mina u BiH, broj: DPA/04-36-13-15451-1/23 od 07.02.2024. godine- Dostava informacija o opasnosti od mina za lokaciju „Orašje“ općina Žepče uz koji je dostavljeno Stručno mišljenje, broj: DPA/04-36-13-15451-1/23 od 07.02.2024. godine, koje glasi: „Predmetna lokacija se proglašava površinom bez utvrđenog rizika od postojanja mina“.

Na osnovu ovakvih izjašnjenja Komisiji, dostavljene dokumentacije i imajući u vidu i Zaključak Općinskog Vijeća Općine Žepče, broj: 01-19-102/23 od 27.06.2023. godine, čime se daje Saglasnost za pokretanje procedure za dodjelu koncesionog prostora za istraživanje i eksploataciju mineralnog resursa serpentinita na ležištu „Orašje“ KO Papratnica Općina Žepče, čime je, na prvom mjestu, i lokalna zajednica iskazala javni interes za ovu investiciju, Komisija konstatuje da postoji javni interes za realizaciju ovog koncesionog projekta, ali isti ne smije biti u suprotnosti sa već utvrđenim javnim interesom na postojećem lokalitetu (vodozaštitne zone, vodoprivredni objekti, javni putevi, naseljena područja- urbana i građevinska zemljišta, područja za razvoj turizma i dr.) i budući koncesionar je na ovim prostorima dužan postupati u skladu sa važećim materijalnim propisima i predlaže Ministarstvu pokretanje procedure donošenja Odluke Vlade Kantona o pristupanju provođenju procedure dodjele koncesije za istraživanje i eksploataciju na predmetnom lokalitetu i u skladu sa navedenim kriterijima.

Na prijedlog Ministarstva, Vlada Kantona je, donijela Odluku o pristupanju provođenju procedure dodjele koncesije za istraživanje i eksploataciju mineralnog resursa serpentinita na lokalitetu „Orašje“, K.O. Papratnica, Općina Žepče, broj: 02-14-4622/24 od 08.03.2024. godine.

Na osnovu navedene Odluke Vlade, Ministarstvo je, u dnevnom listu „Oslobođenje“, dana 28.03.2024. godine objavilo Javni poziv za prikupljanje ponuda za izbor najpovoljnijeg ponuđača, koncesionara, za dodjelu koncesije za istraživanje i površinsku eksploataciju mineralnog resursa serpentinita na lokalitetu „Orašje“, K.O. Papratnica, Općina Žepče. Dan zatvaranja Javnog poziva bio je 27.04.2024. godine.

Po objavljenom Javnom pozivu pristigla je jedna ponuda, i to privrednog društva „JUKA“ d.o.o. Žepče.

Ministar Ministarstva za privredu Zeničko-dobojskog kantona imenovao je Rješenjem, broj: 04-14-4622-11/24 od 09.05.2024. godine Komisiju za provođenje postupka dodjele koncesije za istraživanje i eksploataciju mineralnog resursa serpentinita na lokalitetu „Orašje“, K.O. Papratnica, Općina Žepče.

Komisija je održala sastanak dana 14.05.2024. godine u prostorijama Ministarstva za privredu.

Nakon uvida u dostavljenu dokumentaciju ponuđača „JUKA“ d.o.o. Žepče, Komisija je:

- konstatovala da je sva dokumentacija tražena Javnim pozivom dostavljena,
- utvrdila ispravnost dostavljene dokumentacije,
- izvršila bodovanje ponuđenih uslova dodjele koncesije.

Komisija je sačinila Zapisnik, broj: 04-14-4622-2/24 od 14.05.2024. godine prema kojem je zaključeno da ponuđač „JUKA“ d.o.o. Žepče ispunjava sve uslove propisane Javnim pozivom i da je osvojio 100 bodova te je stoga Komisija predložila nastavak procedure dodjele koncesije za istraživanje i eksploataciju mineralnog resursa serpentinita na lokalitetu „Orašje“, K.O. Papratnica, Općina Žepče.

Vlada je, na prijedlog Ministarstva za privredu, donijela Odluku o dodjeli koncesije za istraživanje i eksploataciju mineralnog resursa serpentinita na lokalitetu „Orašje“, K.O. Papratnica, Općina Žepče, broj: 02-14-9958/24 od 24.05.2024. godine.

Koncesionar je prije potpisivanja Ugovora o koncesiji, između ostalog, dostavio:

- uplatnicu na iznos jednokratne koncesione naknade u iznosu 7.703,50 KM,
- geodetski elaborat „nultog stanja”.

Nakon obezbjeđenja svih navedenih uslova te pribavljanja mišljenja Kantonalnog pravobranilaštva na prijedlog Ugovora, broj: M-48/24 od 11.07.2024. godine, Ugovor o koncesiji je zaključen dana 19.07.2024. godine.

“BAHFARM“ d.o.o. Sarajevo

Općinsko Vijeće Žepče, na svojoj 28. sjednici održanoj dana 30.11.2023. godine, donijelo je Saglasnost za pokretanje procedure za dodjelu koncesionog prostora za istraživanje i eksploataciju mineralnog resursa lerzolita na lokalitetu „Ograina II“ KO Papratnica Općina Žepče, broj: 01-19-158/23 od 30.11.2023. godine. Navedena Saglasnost zaprimljena je u Ministarstvu za privredu dana 11.12.2023. godine zajedno sa aktom JP Komunalno doo Žepče-„Izjašnjenje“ koje je JP Komunalno dostavilo Općini Žepče, Službi za graditeljstvo i prostorno uređenje na njihov upit/zahtjev.

Ministar Ministarstva za privredu Zeničko-dobojskog kantona je Rješenjem, broj: 04-14-10515-3/23 od 22.01.2024. godine imenovao Komisiju za utvrđivanje javnog interesa za dodjelu koncesije za istraživanje i eksploataciju mineralnog resursa lerzolita na lokalitetu „Ograina II“ KO Papratnica Općina Žepče.

Komisija je održala sastanak dana 15.02.2024. godine u prostorijama Ministarstva.

Komisija je u Zaključku Zapisnika, broj: 04-14-10515-4/23 od 15.02.2024. godine, utvrdila da za dodjelu koncesije za istraživanje i eksploataciju mineralnog resursa lerzolita na lokalitetu „Ograina II“ K.O. Papratnica, Općina Žepče, postoji javni interes, ali isti ne smije biti u suprotnosti sa već utvrđenim javnim interesom na postojećem lokalitetu (vodozaštitne zone, vodoprivredni objekti, javni putevi, naseljena područja- urbana i građevinska zemljišta, područja za razvoj turizma i dr.) te predložila ministru Ministarstva pokretanje procedure donošenja Odluke Vlade Kantona o pristupanju provođenju procedure dodjele koncesije za istraživanje i eksploataciju na predmetnom lokalitetu i u skladu sa navedenim kriterijima, nakon što Komisija dostavi jedan primjerak Zapisnika Općini Žepče/Općinskom vijeću Žepče sa aktom kojim će tražiti od istih saglasnost na uslove koji su utvrđeni u Zapisniku (tačka (4) OSTALI USLOVI), a koji se odnose na uslove koji će biti predmetom Sporazuma sa Općinom Žepče i budućeg Koncesionara te sadržani u Javnom pozivu za dodjelu koncesije za istraživanje i eksploataciju mineralne sirovine lerzolita na lokalitetu „Ograina II“, K.O. Papratnica, Općina Žepče te primi predmetnu saglasnost od Općine Žepče/Općinskog vijeća Žepče.

Dana 19.03.2024. godine Komisija je održala drugi sastanak obzirom da je Općinsko vijeće Općine Žepče, na 31. sjednici održanoj dana 29.02.2024. godine, donijelo Odluku o izmjeni i dopuni Saglasnosti,

broj: 01-19-30/24 od 29.02.2024. godine kojom se konstatuje da se vrši izmjena i dopuna Saglasnosti, broj: 01-19-158/23 od 30.11.2023. godine.

Ministarstvo je uputilo Općini Žepče, Zahtjev, broj: 04-14-10515-6/23 sa jednim primjerkom Zapisnika Komisije od 19.03.2024. godine kojim se traži saglasnost na uslove koji su utvrđeni u predmetnom zapisniku Komisije (tačka (4) OSTALI USLOVI), a koji se odnose na uslove koji će biti predmetom Sporazuma sa Općinom Žepče i budućeg koncesionara te sadržani u Javnom pozivu za dodjelu koncesije za istraživanje i eksploataciju mineralne sirovine lertzolita na lokalitetu „Ograina II“, K.O. Papratnica, Općina Žepče.

Dana 08.05.2024. godine Ministarstvo je zaprimilo Odgovor, broj: 01/1-04-341/24 od Općine Žepče po traženom Zahtjevu (broj: 04-14-10515-6/23 od 26.03.2024. godine). U ovom aktu Načelnik Općine Žepče, obavještava Ministarstvo i Komisiju da će općinski Načelnik potpisati Sporazum sa budućim koncesionarom prije potpisivanja Ugovora o koncesiji. Sporazumom će se definisati međusobni odnosi budućeg koncesionara i jedinice lokalne samouprave, a koji se odnose na uslove jedinice lokalne samouprave za dodjelu koncesije.

Na osnovu ovakvih izjašnjenja Komisiji i na osnovu dostavljene dokumentacije, i imajući u vidu i Zaključak Općinskog Vijeća Općine Žepče, broj: 01-19-158/23 od 30.11.2023. godine i Odluku o izmjeni i dopuni Saglasnosti, broj: 01-19-30/24 od 29.02.2024. godine donesenu na 31. sjednici održanoj dana 29.02.2024. godine, kojom se daje Saglasnost za pokretanje procedure za dodjelu koncesionog prostora za istraživanje i eksploataciju mineralnog resursa lertzolita na lokalitetu „Ograina II“ K.O. Papratnica, Općina Žepče, čime je, na prvom mjestu, i lokalna zajednica iskazala javni interes za ovu investiciju, Komisija je konstatovala da postoji javni interes za realizaciju ovog koncesionog projekta, ali isti ne smije biti u suprotnosti sa već utvrđenim javnim interesom na postojećem lokalitetu (vodozaštitne zone, vodoprivredni objekti, javni putevi, naseljena područja- urbana i građevinska zemljišta, područja za razvoj turizma i dr.) i budući koncesionar je na ovim prostorima dužan postupati u skladu sa važećim materijalnim propisima te je predložila ministru Ministarstva pokretanje procedure donošenja Odluke Vlade Kantona o pristupanju provođenja procedure dodjele koncesije za istraživanje i eksploataciju na predmetnom lokalitetu i u skladu sa navedenim kriterijima.

Na prijedlog Ministarstva, Vlada Kantona je, donijela Odluku o pristupanju provođenju procedure dodjele koncesije za istraživanje i eksploataciju mineralnog resursa lertzolita na lokalitetu „Ograina II“ KO Papratnica Općina Žepče, broj: 02-14-11262/24 od 14.06.2024. godine.

Na osnovu navedene Odluke Vlade, Ministarstvo je, u dnevnom listu „Oslobođenje“, dana 20.06.2024. godine objavilo Javni poziv za prikupljanje ponuda za izbor najpovoljnijeg ponuđača za dodjelu koncesije za istraživanje i eksploataciju mineralnog resursa lertzolita na lokalitetu „Ograina II“ KO Papratnica Općina Žepče. Dan zatvaranja Javnog poziva bio je 22.07.2024. godine.

Po objavljenom Javnom pozivu pristigla je jedna ponuda, i to privrednog društva „BAHFARM“ d.o.o. Sarajevo.

Ministar Ministarstva za privredu Zeničko-dobojskog kantona imenovao je Rješenjem, broj: 04-14-10515-3-1/23 22.07.2024. godine Komisiju za provođenje postupka dodjele koncesije za istraživanje i eksploataciju mineralnog resursa lertzolita na lokalitetu „Ograina II“ KO Papratnica Općina Žepče.

Komisija je održala sastanak dana 25.07.2024. godine u prostorijama Ministarstva za privredu.

Nakon uvida u dostavljenu dokumentaciju ponuđača „BAHFARM“ d.o.o. Sarajevo, Komisija je:

- konstatovala da je dokumentacija tražena Javnim pozivom dostavljena,
- utvrdila ispravnost dostavljene dokumentacije,
- izvršila bodovanje ponuđenih uslova dodjele koncesije.

Komisija je sačinila Zapisnik, broj: 04-14-10515-3-3/23 od 25.07.2024. godine, prema kojem je zaključeno da ponuđač, „BAHFARM“ d.o.o. Sarajevo, ispunjava sve uslove propisane Javnim pozivom i da je osvojio 100 bodova te je stoga Komisija predložila nastavak procedure dodjele koncesije za istraživanje i eksploataciju mineralnog resursa lertzolita na lokalitetu „Ograina II“ KO Papratnica Općina Žepče.

Vlada je, na prijedlog Ministarstva za privredu, donijela Odluku o dodjeli koncesije za istraživanje i eksploataciju mineralnog resursa lerzolita na lokalitetu „Ograina II“, KO Papratnica, Općina Žepče, broj: 02-14-14386/24 od 16.08.2024. godine.

Koncesionar je prije potpisivanja Ugovora o koncesiji, između ostalog, dostavio:

- uplatnicu na iznos jednokratne koncesione naknade u iznosu 5.990,00 KM,
- geodetski elaborat „nultog stanja“.

Nakon obezbjeđenja svih navedenih uslova te pribavljanja mišljenja Kantonalnog pravobranilaštva na prijedlog Ugovora, broj: M-89/24 od 24.09.2024. godine, Ugovor o koncesiji je zaključen dana 14.11.2024. godine.

2.2.Dodjela koncesija u postupku

Intenzivne aktivnosti vođene su u postupku pripreme dodjele koncesije po osnovu samoinicijativnih zahtjeva za dodjelu koncesije.

„ADŽIĆ ASFALT“ d.o.o. Žepče

Privredno društvo „ADŽIĆ ASFALT“ d.o.o. Žepče obratilo se Ministarstvu Zahtjevom, broj: 04-14-7492/23 od 30.11.2023. godine, za dodjelu koncesije za istraživanje i eksploataciju mineralne sirovine na lokalitetu k.č. broj 546/1 Ograina, Općina Žepče.

Ministarstvo je navedenom privrednom društvu poslalo akt-“Zahtjev za dopunu”, broj: 04-14-7492-1/23 od 13.12.2023. godine kojim je konstatovano da je neophodno da se izvrši dopuna Zahtjeva u kojem mora biti naznačen naziv mineralne sirovine za koju se traži koncesija, minimalna količina godišnje eksploatacije i period na koji se traži koncesija. Osim navedenog, naglašeno je da je neophodno da se uradi nova Studija ekonomske opravdanosti dodjele koncesije obzirom da je dostavljena Studija napisana bez obrađenih poglavlja načelnog sadržaja Studije, a u istoj također nisu definisani elementi kao što je vrsta mineralne sirovine, minimalna količina godišnje eksploatacije mineralne sirovine kao i period na koji se traži koncesija za istraživanje i eksploataciju. Isto tako, sastavni dijelovi Studije moraju biti i podaci o registraciji i rješenje za obavljanje registrovane djelatnosti stručne osposobljenosti i tehničke opremljenosti za obrađivača Studije. Predmetnim Zahtjevom za dopunu dostavljen je prilog, odnosno načelni sadržaj Studije, u kojoj moraju biti definisani elementi kao što je vrsta mineralne sirovine, minimalna količina godišnje eksploatacije mineralne sirovine kao i period na koji se traži koncesija za istraživanje i eksploataciju.

Dana 13.02.2024. godine Ministarstvo je zaprimilo akt-“Dopuna traženoga”, broj: 04-14-7492-1/23 od 13.02.2024. godine. Pregledom dostavljenog akta utvrđeno je da navedeno privredno društvo nije postupilo po Zahtjevu za dopunu Ministarstva, jer nisu dostavljeni traženi podaci. Ministarstvo je dana 27.02.2024. godine privrednom društvu uputilo akt-“Urgencija za dopunu zahtjeva”, kojim je traženo da se u roku od 7 dana od zaprimanja akta dopuni zahtjev.

Dana 12.03.2024. Ministarstvo je ponovo zaprimilo akt-“Dopuna traženog”, shodno Zahtjevu Ministarstva, broj: 04-14-7492-1/23 od 27.02.2024. godine. Obzirom da je pregledom zahtjeva dostavljenog Ministarstvu od 12.03.2024. godine konstatovano da nije postupljeno po zahtjevima i uputama koje je Ministarstvo dostavilo, dana 09.04.2024. godine navedenom privrednom društvu dostavljen je akt-“Obavijest”, broj: 04-14-7492-3/23 od 09.04.2024. godine u kojem je navedeno da Ministarstvo ne može dalje nastaviti postupak po Zahtjevu.

“ADO-TRANS” d.o.o. Visoko

Privredno društvo „ADO TRANS“ d.o.o. Visoko podnijelo je Ministarstvu Zahtjev za dodjelu koncesije za istraživanje i eksploataciju mineralnog resursa krečnjaka na lokalitetu “Nedići”, Općina Breza, broj: 04-14-5472/24 od 20.06.2024. godine.

Ministarstvo je uputilo zahtjev za Saglasnost OV Breza za dodjelu koncesije, broj: 04-14-5472-1/24 od 02.07.2024. godine. Općinsko Vijeće Breza, na svojoj 41. redovnoj sjednici održanoj dana 08.08.2024. godine, donijelo je Zaključak, broj: 01/0-02-2362/24 od 08.08.2024. godine kojim se daje Saglasnost za pokretanje procedure za dodjelu koncesije za istraživanje i eksploataciju mineralnog resursa krečnjaka na lokalitetu "Nedići", Općina Breza, na parceli označenoj kao k.č. 505 KO Sutješćica.

Ministar Ministarstva je Rješenjem, broj: 04-14-5472-3/24 od 23.09.2024. godine imenovao Komisiju za utvrđivanje javnog interesa za dodjelu koncesije za istraživanje i eksploataciju mineralnog resursa krečnjaka na lokalitetu "Nedići", Općina Breza.

Komisija je održala sastanak dana 03.10.2024. godine u prostorijama Ministarstva. Na predmetnom sastanku Komisija je utvrdila da je određene činjenice potrebno dodatno razjasniti obzirom da je na zahtijevanom lokalitetu postojala ranije dodijeljena koncesija privrednom društvu RKB BREZA d.o.o. Breza sa kojim je Vlada Kantona, zbog neizmirenja obaveza, raskinula Ugovor o koncesiji. Uvidom u dostavljene geodetske karte, postojeći pristupni put je preko mosta i prelaskom preko parcela koje su, shodno elektronskoj bazi podataka-katastar.ba od Federalne uprave za geodetske i imovinsko-pravne poslove, u posjedu fizičkog lica, te se budući koncesionar mora upoznati sa činjenicom da je dužan pribaviti saglasnost vlasnika privatnih parcela za pristup koncesionom prostoru ili svojim finansijskim sredstvima izgraditi, u skladu sa zakonom, drugi njemu prihvatljiv prilaz koncesionom prostoru. Isto tako, na predmetnom prostoru nalazi se određena količina materijala kao i postrojenje te je neophodno provjeriti način izmještanja istog.

Dana 28.10.2024. godine Komisija je održala drugi sastanak u prostorijama Ministarstva. Komisija je zaključila da, obzirom da ugovor o koncesiji potpisan sa „RKB-RUDNIK KREČNJAKA BREZA“ d.o.o. Breza nije na snazi, da je neophodno brisati koncesiju u zk izvadku te je Ministarstvo dostavilo Općinskom sudu u Visokom, Zemljišnoknjižni ured Zahtjev za brisanje koncesije sukladno Odluci o raskidu ugovora o koncesiji sa „RKB-RUDNIK KREČNJAKA BREZA“ d.o.o. Breza. Obzirom da je, dana 30.05.2022. godine, Općinski sud u Zenici donio Rješenje, broj: 43 0 St 207338 22 St kojim je otvoren stečajni postupak nad imovinom privrednog društva "RKB-RUDNIK KREČNJAKA BREZA" d.o.o. Breza, stečajnom upravniku poslati akt kojim će se od njega tražiti informacije koje su parcele prodane (sa tačnom oznakom kč-a), koje su pokretne stvari prodane (sa tačnom oznakom vrste i mjesta na kojem se nalaze), informacije o količini prodanog materijala (sa tačnom naznakom količina i mjesta gdje se nalaze), informacije da li je novi vlasnik izmjestio svu pokretnu imovinu što je u njegovom vlasništvu sa dijela bivšeg eksploatacionog polja što je u državnom vlasništvu, a što je bio dužan već da ukloni, obzirom da se radi o državnom zemljištu i ako nije, da u što kraćem roku izvrši izmještanje sa državnog zemljišta. Zatim, Općini Breza uputiti akt da dostavi kopiju katastarskog plana prostora na kojem se traži dodjela koncesije sa vidljivo naznačenim katastarskim česticama te zk-izvatke za sve parcele da bi se utvrdilo čije su vlasništvo, kopiju katastarskog plana prostora koji se naslanja na granice traženog prostora za dodjelu koncesije i regionalnog puta Breza-Vareš sa vidljivo naznačenim katastarskim česticama, zk izvadke za sve parcele da bi se utvrdilo čije su vlasništvo, kao i da provjeri granice vodnog dobra rijeke Stavnje i koordinate zahtijevanog polja za dodjelu koncesije i dostavi podatak u čijem je vlasništvu most koji je trenutno jedini pristup traženom prostoru za dodjelu koncesije.

Dana 16.12.2024. godine Komisija je održala treći sastanak u prostorijama Ministarstva. Ministarstvo je dostavilo Općinskom sudu u Visokom Zahtjev za brisanje koncesije, broj: 04-14-5472-6/24 od 04.11.2024. godine, sa Odlukom o raskidu ugovora o koncesiji sa „RKB-RUDNIK KREČNJAKA BREZA“ d.o.o. Breza. Stečajni upravnik Hasanagić Edin dostavio je pod brojem 10/2024. od 19.11.2024. godine informacije vezano za javna nadmetanja odnosno prodaju nepokretne imovine stečajnog dužnika najpovoljnijem ponuđaču na provredenoj trećoj licitaciji fizičkom licu Kriještorac Amina iz Sarajeva, nastanjena u Rakovička cesta br. 488. Za kupljenu imovinu uplaćen je kupoprodajni iznos u predviđenom roku. O navedenoj prodaji Općinski sud u Zenici donio je rješenje o dosudi, pod brojem 43 0 St 207338 22 St od 27.11.2023. godine. Obzirom na dug period vremena od okončanja prodaje imovine, stečajni upravnik je izjavio da ne raspolaže sa tačnom sadašnjom lokacijom pokretne imovine. U prilogu stečajni upravnik je dostavio Izvještaj stalnog sudskog vještaka rudarske struke Zajima Hrvata. Općina Breza, Služba za privredu dostavila je akt, broj: 02/1-04-3288/2024 od 22.11.2024. godine i kopije katastarskih planova i zemljišno knjižne izvadke za zk uložak br.754, zk uložak br.676, zk uložak br.766, zk uložak br.118, zk uložak br.1030, zk uložak br.887 i zk uložak br.1028. U zemljišnoknjižnom izvadku, broj: 041-0-NAR-24-022 943/zemljišnoknjižni uložak broj: 754, u C teretnom listu konstatovano je: „Na osnovu Rješenja o

određivanju granica vodnog dobra rijeke Stavnje na području općine Breza, Ministarstvo za poljoprivredu, vodoprivredu i šumarstvo Zeničko-dobojskog kantona broj: 05-25-11800-1/19 od 27.11.2019. godine zabilježuje se zabrana na vodnom dobru na dijelu parcele označene kao k.č 505, izvođenje zahvata, osim zahvata iz člana 12. Zakona o vodama, zabrana upotrebe đubriva ili sredstava za zaštitu bilja, zabrana pranja vozila (automobila, kamiona i drugih mašina i uređaja), zabrana proizvodnje, rukovanje, čuvanje i odlaganje opasnih materija i otpada, te opće zabrane iz člana 95. i zabrane iz člana 96. stav 1.tač.7,13,14,15,16,17 i 18 i stav 2. tač.1. i 2. Zakona o vodama“. Također, Općina Breza u svom odgovoru/dostavi podataka je navela: „Most na rijeci Stavnji koji služi kao pristup traženom prostoru za eksploataciju nije bio predmet odobravanja od strane nadležne službe Općina Breza i vlasništvo objekta nije poznato“. Shodno navedenom, Komisija je u zaključku Zapisnika konstatovala da, shodno zabilježbi u C teretnom listu vezano za k.č 505 KO SUTJEŠĆICA, Općini Breza je potrebno uputiti akt da se uradi parcelacija zemljišta naprijed navedene parcele po Rješenju Ministarstva za poljoprivredu, šumarstvo i vodoprivredu u skladu sa Elabortom o određivanju granica vodnog dobra kako ista ne bi bila opterećena vodnim dobrom. Dakle, kako bi se mogao nastaviti postupak podnosioca zahtjeva za dodjelu koncesije za istraživanje i eksploataciju mineralnog resursa krečnjaka na lokalitetu “Nedići”, Općina Breza, neophodno je da se uradi cijepanje parcele k.č 505 KO SUTJEŠĆICA kako bi se ukinula zabilježba zabrane vodnog dobra na navedenoj parceli, a opteretile vodnim dobrom odcijepljene parcele uz rijeku Stavnju. Također, o naprijed navedenom Ministarstvo za privredu će obavijestiti i podnosioca zahtjeva za dodjelu koncesije za istraživanje i eksploataciju mineralnog resursa krečnjaka na lokalitetu “Nedići”, Općina Breza.

“AB TRANS” d.o.o. Tešanj

Privredno društvo “AB-TRANS” d.o.o Tešanj podnijelo je Ministarstvu Zahtjev za pokretanje procedure dodjele koncesije za istraživanje i eksploataciju krečnjaka na lokalitetu “Trebačko brdo”, Općina Tešanj, broj: 04-14-689/24 od 25.01.2024. godine.

Dana 29.01.2024. godine Ministarstvo je uputilo Općini Tešanj, Općinskom vijeću Tešanj, Zahtjev za izdavanje Saglasnosti općinskog vijeća za dodjelu koncesije, broj: 04-14-689-1/24 od 19.01.2024. godine.

Ministartstvo je zaprimilo od Službe za finansije, privredu, komunalne i inspeksijske poslove Općine Tešanj, akt, broj: 02-14-1-275-4/24 od 20.03.2024. godine. Shodno obavijesti Općine Tešanj, Ministarstvo je uputilo podnosiocu zahtjeva akt, broj: 04-14-689-6/24 od 05.04.2024. godine kojim je konstatovano da je neophodno da se izvrše korekcije prelomnih tačaka koncesionog polja konstatovane od strane Općine Tešanj te dostavi u dva primjerka geodetski elaborat i Studija ekonomske opravdanosti, kako bi Ministarstvo uputilo novi zahtjev (korekciju) za saglasnost Općini Tešanj/Općinskom vijeću.

Dana 19.04.2024. godine Ministarstvo je zaprimilo dopunu dokumentacije, broj: 04-14-689-3/24 od 05.04.2024. godine, kojim su izvršene korekcije koncesionog prostora dopunom sa dvije prelomne tačke. Shodno navedenom, Ministarstvo je poslalo Općini Tešanj, Općinskom vijeću Tešanj, akt, broj: 04-14-689-4/24 od 22.04.2024. godine sa korigovanim prelomnim tačkama kojim traži saglasnost za dodjelu koncesije.

Daljnje aktivnosti u postupku dodjele koncesije nastavljene su u toku 2025. godine.

“LIBOS” d.o.o. Žepče

Ministarstvu se obratilo privredno društvo “LIBOS” d.o.o Žepče sa Zahtjevom za pokretanje procedure dodjele koncesije za istraživanje i eksploataciju dijabaza na ležištu “Krmanci” KO Kovanići, Grad Zenica, broj: 04-14-10242/23 od 18.10.2023. godine.

Na osnovu dostavljene dokumentacije/dopune zahtjeva odnosno pregledom Geodetskog elaborata nultog stanja namijenjenog za dodjelu koncesije za istraživanje i eksploataciju mineralnog resursa dijabaza i spilita na lokalitetu “Krmance”, kod Begov Hana, Općina Zenica, Ministarstvo je dana 04.12.2023. godine poslalo privrednom društvu “LIBOS” d.o.o. Žepče akt-“Dopuna zahtjeva”, broj: 04-14-10242-1/23.

Shodno izvršenoj dopuni, Ministarstvo je dana 20.02.2024. godine poslalo Gradu Zenica, Gradskom vijeću Zenica, Zahtijev za izdavanje saglasnosti gradskog vijeća za dodjelu koncesije, broj: 04-14-10242-1/23 od 20.02.2024. godine.

Daljnje aktivnosti u postupku dodjele koncesije nastavljene su u toku 2025. godine.

„DIM KAMENOLOM” d.o.o. Žepče

Ministarstvu se obratilo privredno društvo “DIM KAMENOLOM” d.o.o. Žepče sa Zahtjevom za pokretanje procedure za dodjelu koncesionog prostora za istraživanje i eksploataciju mineralne sirovine lerzolita na lokalitetu Ograina, Općina Žepče, broj: 04-14-10242/23 od 18.10.2023. godine.

Ministarstvo je dana 02.07.2024. godine poslalo Općini Žepče, Općinskom vijeću Žepče, Zahtjev za izdavanje saglasnosti općinskog vijeća za dodjelu koncesije, broj: 04-14-4549-1/24 od 02.07.2024. godine.

Obzirom da nije zaprimljen nikakav odgovor, Ministarstvo je dana 27.12.2024. godine poslalo Općini Žepče, Općinskom vijeću Žepče akt, broj: 04-14-4549-1-1/24 od 27.12.2024. godine kojim je tražen odgovor na poslani akt od 02.07.2024. godine.

Daljnje aktivnosti u postupku dodjele koncesije nastavljene su u toku 2025. godine.

“Geo-intermax” d.o.o. Tuzla

Ministarstvu se obratilo privredno društvo “Geo-intermax” d.o.o. Tuzla sa Zahtjevom za pokretanje procedure za dodjelu koncesionog prostora za istraživanje i eksploataciju mineralne sirovine serpentinita na lokalitetu Ograina-Papratnica, Općina Žepče, broj: 04-14-5912/24 od 02.07.2024. godine.

Ministarstvo je dana 04.07.2024. godine poslalo Općini Žepče, Općinskom vijeću Žepče, Zahtjev za izdavanje saglasnosti općinskog vijeća za dodjelu koncesije, broj: 04-14-5912-1/24 od 04.07.2024. godine.

Daljnje aktivnosti u postupku dodjele koncesije nastavljene su u toku 2025. godine.

„TRGOŠPED” d.o.o. Kakanj

Ministarstvu se obratilo privredno društvo “TRGOŠPED” d.o.o. Kakanj sa Zahtjevom za pokretanje procedure dodjele koncesije za istraživanje i eksploataciju mineralnog resursa krečnjaka na lokalitetu “Borovačka stijena” kod Kakanja, broj: 04-14-2663/24 od 26.03.2024. godine.

Dana 03.04.2024. godine Ministarstvo je uputilo Općini Kakanj Zahtjev za izdavanje saglasnosti općinskog vijeća za dodjelu koncesije, broj: 04-14-2663-1/24 od 03.04.2024. godine.

Općina Kakanj, Općinsko vijeće je, na 40. sjednici održanoj dana 29.04.2024. godine, donijelo Odluku o davanju saglasnosti za provođenje procedure dodjele koncesije za istraživanje i eksploataciju mineralnog resursa krečnjaka na lokalitetu “Borovačka stijena” kod Kakanja.

Dana 17.10.2024. godine Ministarstvo je privrednom društvu poslalo akt-Obavijest, broj: 04-14-2663-4-1/24 od 17.10.2024. godine u kojem je navelo da je uočena tehnička greška u koordinatama koje su navedene u Ugovoru iz 2003. godine što dovodi do poklapanja sa koordinatama koje su navedene u Zahtjevu od 26.03.2024. godine te je predmetno neophodno ispraviti na način da se dostavi jasno naznačeno polje na situacionoj geodetskoj karti sa ispravnim koordinatama i tabelarni prikaz koordinata onako kako je dostavljeno u Zahtjevu za dodjelu koncesije od 26.03.2024. godine radi izmjena predmetnog Ugovora.

Daljnje aktivnosti u postupku dodjele koncesije nastavljene su u toku 2025. godine.

„TIM GROUP” d.o.o. Žepče

Ministarstvu se obratilo privredno društvo “TIM GROUP” d.o.o. Žepče sa Zahtjevom za pokretanje procedure za dodjelu koncesionog prostora za istraživanje i eksploataciju mineralnog resursa lerzolita na ležištu “KIKa” KO Želeća, Općina Žepče, broj: 04-14-3679/24 od 25.04.2024. godine.

Dana 02.07.2024. godine Ministarstvo je uputilo Općini Žepče Zahtjev za izdavanje saglasnosti općinskog vijeća za dodjelu koncesije, broj: 04-14-3679-1/24 od 02.07.2024. godine.

Daljnje aktivnosti u postupku dodjele koncesije nastavljene su u toku 2025. godine.

3. KONCESIONE NAKNADE U 2024. GODINI

U skladu sa koncesionim ugovorima svi koncesionari su dužni ispunjavati obavezu plaćanja kontinuirane koncesione naknade za korištenje predmeta koncesija u onom obimu u kojem su eksploitalisali mineralne sirovine u određenom vremenskom periodu, a prema visini naknade koja je regulisana koncesionim ugovorom.

Koncesionari koji, nakon dobivene dozvole za eksploataciju, nisu eksploitalisali minimalnu ugovorenu količinu, koja je definisana koncesionim ugovorom, obavezni su platiti kontinuiranu koncesionu naknadu za ugovorenu godišnju minimalnu količinu mineralne sirovine.

Ministarstvo za privredu u saradnji sa Ministarstvom finansija vodi urednu evidenciju o ukupnom dugovanju svakog koncesionara i isti redovno kontroliše i preduzima aktivnosti u svrhu naplate.

Po osnovu jednokratne koncesione naknade u 2024. godini uplaćeno je ukupno **300.193,30 KM**.

Po osnovu kontinuirane koncesione naknade u 2024. godini uplaćeno je ukupno **2.489.070,14 KM**.

Tabela 2. Stanje obaveza po osnovu koncesionih naknada za 2024. godinu za eksploatisane količine mineralnih sirovina shodno ugovoru o definisanim obavezama i uplatama u 2024. godini

Red.br	Koncesionar Datum ugovora	Godišnja ugovorom definisana minimalna obaveza /KM/	Stanje obaveza na dan 31.12.2024. godine /KM/	Uplaćeno u 2024. godini /KM/
1.	“TRGOŠPED” d.o.o. Kakanj 01.10.2003.	33.000,00	8.943,06	66.032,40
2.	“CESTING” d.o.o. Žepče 19.10.2009.	16.000,00	27.444,08 Napomena: Utuženo 61.000,00 KM (period 2010.-2014.)	8.000,00
3.	“DIM KAMENOLOM” d.o.o. Žepče 30.01.2013.	17.222,00	63.801,60	26.837,66
4.	“BBM VAREŠ” d.o.o. Vareš 17.05.2002.	43.500,00	0,00	43.500,00
5.	“E&P” d.o.o. Zavidovići 26.04.2006.	37.500,00	18.109,11	46.330,11
6.	“MGV GRADNJA” d.o.o Zavidovići 22.05.2001.	28.000,00	Pretplata 68.161,01	63.000,00
7.	“IGM” d.o.o. Visoko 30.10.2001.	Nema ugovorom definisanu minimalnu obavezu.	17.747,60	2.060,16

Red.br	Koncesionar Datum ugovora	Godišnja ugovorom definisana minimalna obaveza /KM/	Stanje obaveza na dan 31.12.2024. godine /KM/	Uplaćeno u 2024. godini /KM/
8.	“TVORNICA CEMENTA KAKANJ” d.o.o. Kakanj 12.09.2000.	Nema ugovorom definisane minimalne obaveze.	126.823,49	697.329,54
9.	“ABLE INVESTMENT” d.o.o. Sarajevo 24.05.2016.	22.500,00	22.500,00	45.000,00 (obaveze za 2022 i 2023)
10.	“ŽGP” d.o.o. Zenica 28.08.2013.	38.800,00	105.898,97	0,00
11.	„KOMGRAD – ZE” d.o.o. Zenica 17.12.2014.(Ugovor) „KOMGRAD – ZE” d.o.o. Zenica Anex	33.620,00 82.000,00	Ugovor 100.860,00 Anex Ugovora 0,00	0,00 117.375,34 (obaveze za 2023 i 2024)
12.	„GEOMET” d.o.o. Olovo 20.07.2012.	180.000,00	90.000,00	192.546,03
13.	“AB-TRANS” d.o.o. Tešanj 20.07.2020.	13.000,00	20.347,50	11.058,90
14.	Rudnik mrkog uglja “KAKANJ” d.o.o. Kakanj 28.12.2020.	800.000,00	490.697,60 (JKN) 2.099.216,07 (KKN)	245.348,80 (JKN) 0,00 (KKN)
15.	“EASTERN MINING” d.o.o. Sarajevo (ADRIATIC METALS BH d.o.o.) 12.03.2013.	390.000,00	97.500,00 (IV kv.2024.god)	390.000,00
16.	“EASTERN MINING” d.o.o. Sarajevo (ADRIATIC METALS BH d.o.o.) 14.11.2018.	780.000,00 (prvo proširenje) Obaveze od 31.03.2023. godine	195.000,00 (IV kv.2024.god)	780.000,00
17	“TIM GROUP” d.o.o. Žepče 10.05.2024.	/	0,00	12.369,00 (JKN)
18.	“VZ COMMERCE” d.o.o. Gornji Vakuf 18.04.2024.	/	0,00	28.782,00 (JKN)
19.	“JUKA” d.o.o. Žepče 19.07.2024.	/	0,00	7.703,50 (JKN)

Red.br	Koncesionar Datum ugovora	Godišnja ugovorom definisana minimalna obaveza /KM/	Stanje obaveza na dan 31.12.2024. godine /KM/	Uplaćeno u 2024. godini /KM/
20.	„BAHFARM“ d.o.o. Sarajevo 14.11.2024.	/	0,00	5.990,00 (JKN)
	UKUPNO			2.789.263,44

4. PRIHODI OD KONCESIONIH NAKNADA U 2024. GODINI

4.1. Prihodi od jednokratne koncesione naknade u 2024. godini

Na osnovu zaključenih koncesionih ugovora sa „VZ COMMERCE“ d.o.o. Gornji Vakuf-Uskoplje, „TIM GROUP“ d.o.o. Žepče, „JUKA“ d.o.o. Žepče, „BAHFARM“ d.o.o. Sarajevo (obavijest o uplati po osnovu JKN od Ministarstva finansija dobili u 2025. godini) i Rudnik mrkog uglja „KAKANJ“ d.o.o. Kakanj, u 2024. godini ostvaren je prihod po osnovu jednokratne koncesione naknade u ukupnom iznosu **300.193,30 KM**, kako slijedi:

- iznos 28.782,00 KM- Koncesioni ugovor sa „VZ COMMERCE“ d.o.o. Gornji Vakuf-Uskoplje,
- iznos 12.396,00 KM- Koncesioni ugovor sa „TIM GROUP“ d.o.o. Žepče,
- iznos 7.703,50 KM- Koncesioni ugovor sa „JUKA“ d.o.o. Žepče,
- iznos 5.990,00 KM- Koncesioni ugovor sa „BAHFARM“ d.o.o. Sarajevo,
- iznos 245.348,80 KM- Koncesioni ugovor sa Rudnik mrkog uglja „KAKANJ“ d.o.o. Kakanj (8 rata jednokratne koncesione naknade u iznosima po 30.668,60 KM).

4.2. Prihodi od kontinuirane koncesione naknade u 2024. godini

Ukupan priliv sredstava od kontinuirane koncesione naknade u 2024. godini iznosi **2.489.070,14 KM**. Ovaj iznos se odnosi na uplate koncesionara shodno njihovim ugovornim obavezama.

4.3. Ukupni prihodi od koncesione naknade u 2024. godini

Ukupni prihodi od koncesione naknade u 2024. godini jednaki su zbiru:

- prihoda po osnovu jednokratne koncesione naknade	300.193,30	KM
- <u>prihoda po osnovu kontinuirane koncesione naknade</u>	<u>2.489.070,14</u>	<u>KM</u>
UKUPNO	2.789.263,44	KM

4.4. Alokacija koncesionih naknada po općinama/gradovima u 2024. godini

Shodno Odluci Vlade Kantona o načinu raspodjele i korištenju finansijskih sredstava prikupljenih po osnovu kontinuirane i jednokratne naknade od koncesija („Službene novine Zeničko-dobojskog kantona”, broj: 1/13 i 11/22), uplata koncesione naknade (jednokratne i kontinuirane) dijeli se između jedinice lokalne samouprave na čijem području se nalazi koncesiono polje i Kantona i to u omjeru 70 % : 30 % (JLS : Kanton).

Ostvareni prihod po osnovu koncesionih naknada u 2024. godini iznosi **2.789.263,44 KM** izvršena je alokacija prema jedinicama lokalne samouprave na čijoj teritoriji se realizuje koncesioni projekat.

U budžetskoj 2024. godini, prema podacima Ministarstva finansija, uplaćeno je na ime jednokratne i kontinuirane koncesione naknade **2.789,263,44 KM**, od čega je alocirano općinama/gradovima 1.952.484,38 KM i Kantonu 836.779,06 KM.

OPĆINAMA/GRADOVIMA (JLS): iznos 1.952.484,38 KM
KANTONU: iznos 836.779,06 KM

Tabela 4. Alocirana sredstva koncesionih naknada prema JLS Kantona

R. br.	OPĆINA/GRAD	ALOCIRANA NAKNADA U 2023. GODINI /KM/	ALOCIRANA NAKNADA U 2024. GODINI /KM/
1.	ZENICA	82.115,82	82.162,73
2.	KAKANJ	819.221,27	706.097,51
3.	BREZA	0,00	31.500,00
4.	VISOKO	20.562,50	1.442,11
5.	ZAVIDOVIĆI	104.650,00	76.531,07
6.	ŽEPČE	92.505,99	62.777,51
7.	OLOVO	188.297,20	134.782,22
8.	VAREŠ	576.450,00	849.450,00
9.	TEŠANJ	0,00	7.741,23
	UKUPNO	1.883.802,80	1.952.484,38

5. RASHODI IZ KONCESIONIH NAKNADA U 2024. GODINI

5.1. Program utroška budžetskih sredstava od koncesija za 2024. godinu

Budžetom Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 12/24 i 24/24) odobrena su finansijska sredstva u ukupnom iznosu 3.213.000,00 KM (slovima:trimilionadvijestotinetrinaesthiljada konvertibilnih maraka) planirana na slijedeći način:

- ekonomski kod 615 100 (IAD002)-Kapitalni transferi drugim nivoima vlasti-Izvor 30 u iznosu 650.000,00 KM,
- ekonomski kod 613 900- Ugovorene i druge posebne usluge, odnosno subanalitika (IAD002)-Ostale ugovorene usluge- Realizacija projekata Vlade koji se finansiraju iz prihoda od koncesija-Izvor 30 u iznosu 25.000,00 KM,
- ekonomski kod 613 900- Izdaci za komisije, zastupnike i druge samostalne djelatnosti-Izvor 30 u iznosu 38.000,00 KM,
- ekonomski kod 614 100- Tekući transferi drugim nivoima vlasti, odnosno subanalitika (IAD001)- Tekući transfer općinama po osnovu prihoda od koncesija-Izvor 30 u iznosu 2.500.000,00 KM.

U skladu sa navedenim Ministarstvo je donijelo Program utroška budžetskih sredstava od koncesija Ministarstva za privredu u 2024. godini-Izvor 30 koji je Vlada Kantona usvojila Odlukom, broj: 02-11-2669/24 od 09.02.2024. godine. U skladu sa izmjenama Budžeta Zeničko-dobojskog kantona za 2024. godinu, Ministarstvo je donijelo Program o izmjenama Programa utroška budžetskih sredstava od koncesija Ministarstva za privredu u 2024. godini-Izvor 30, broj: 02-11-2669/24 od 09.02.2024. godine koji je Vlada Kantona usvojila Odlukom o izmjenama Odluke o usvajanju i Programa utroška budžetskih sredstava od koncesija Ministarstva za privredu u 2024. godini-Izvor 30, broj: 02-11-21452/24 od 27.12.2024. godine.

5.2. Realizovana sredstva shodno Programu utroška budžetskih sredstava od koncesija u 2024. godini

U periodu od I – XII 2024. godine, po ovom Programu utrošena su sredstva na slijedeći način:

- 1) Za sufinansiranje troškova organizacije i izgradnje poslovnih zona na području Zeničko-dobojskog kantona, odnosno sufinansiranja troška opremanja zemljišta komunalnom infrastrukturom unutar

poslovne zone, planirana su sredstva u ukupnom iznosu 650.000,00 KM, a utrošena u ukupnom iznosu 650.000,00 KM, kako slijedi:

R.br.	OPĆINA/GRAD	POSLOVNA ZONA	IZNOS ODOBRENIH SREDSTAVA /KM/
1	Tešanj	Poslovna zona "Bukva-Vila"	100.000,00
2	Doboj Jug	Poslovna zona "Matuzići"	94.967,97
3	Žepče	Poslovna zona "Radovlje"	100.000,00
4	Maglaj	Poslovna zona "Liješnica"	100.000,00
5	Zavidovići	Poslovna zona "Majdanska polja"	100.000,00
6	Olovo	Poslovna zona "Golubište-Pilana"	100.000,00
7	Usora	Poslovna zona "Ularice"	55.032,03
UKUPNO (KM)			650.000,00

- 2) Za provođenje postupka dodjele, nadzora i realizacije koncesionih ugovora (obuhvata i kontrolna geodetska snimanja) planirana su sredstva u ukupnom iznosu 63.000,00 KM, a utrošena su u ukupnom iznosu 14.972,12 KM.
- 3) Odlukom Vlade Kantona o načinu raspodjele i korištenju finansijskih sredstava prikupljenih po osnovu kontinuirane i jednokratne naknade od koncesija ("Službene novine Zeničko-dobojskog kantona", broj: 1/13 i 11/22) regulisano je da se naknade po osnovu potpisanih koncesionih ugovora raspoređuju na način da omjer 70% prikupljenih sredstava pripada jedinicama lokalne samouprave (JLS) na čijoj teritoriji se nalazi koncesiono polje, a 30% Kantonu. Navedeni omjer 70% od prikupljenih sredstava isplaćuje se JLS i evidentira na poziciji "Tekući transfer općinama po osnovu prihoda od koncesija". Za transfer JLS 70% od ukupno uplaćene koncesione naknade planirana su sredstva u ukupnom iznosu 2.500.000,00 KM. Ukupan iznos uplaćenih koncesionih naknada u 2024. godini iznosi 2.789.263,44 KM te je stoga izvršen transfer 70% JLS u ukupnom iznosu 1.952.484,38 KM.

6. ZAKLJUČAK

Analizirajući podatke prethodnih godina, i upoređujući sa podacima iz 2024. godine, može se zaključiti slijedeće:

- povećan je broj samoinicijativnih zahtjeva za dodjelu koncesije od strane privrednih društava,
- povećan je iznos ukupno naplaćene kontinuirane koncesione naknade od koncesionara za cca 100.000,00 KM,
- preduzete su sve potrebne aktivnosti u svrhu naplate kontinuirane koncesione naknade od koncesionara (slanje opomena, utuženja itd.),
- nastavak izgradnje trase autoputa na koridoru V-c kroz područje Zeničko-dobojskog kantona već je rezultirao povećanjem potražnje za proizvodima od mineralnih sirovina, što ima pozitivan učinak na poslovanje koncesionara i povećanje broja samoinicijativnih zahtjeva za dodjelu koncesije.

